



Siunnersuut uunga: Suliniutini angisuuni illuliortiternernik sanaartornernillu suliasat pillugit Inatsisartut inatsisaat nr. 25, 18. december 2012-imeersup allanngortinnissaa pillugu Inatsisartut inatsisaat nr. xx, yy 2013-imeersoq (suliniutinut angisuunut inatsit)
(Inuussutissarsiornermut Aatsitassaqaqarnermullu Naalakkersuisoq)

(Siullermeenera)

2012-mi decemberimi Inatsisartuni amerlanersuuteqartut ingerlatat annertuut pillugit pitsak akuerissutigaat. Demokraatini iluarisimaaqaarput neriuutigigatsigu akuersinerup kingorna piaarnerpaamik ingerlatat annertuut ataasiakkaat arlallilluunniit aallartinneqarsinnaassasut.

Iluarisimaarinninnerput pissuteqarpoq pisariaqarluinnarmat suliniutinik aallartitsinissaq sulliviit ataavartut pilersinneqassammata nunarpullu isaatitsilerluni. Naliliinermut tamatumunnga Aningaasarsiorneq pillugu Isumasioqatigiinnit isumaqatigineqarpoq, taakku arlaleriarlutik oqarnikummata, aningaasarsiornermut pingaaruteqarluinnartoq, ingerlatat annertuut ataasiakkaat arlallilluunniit ataatsikkut aallartinneqarnissaat.

Ajoraluartumilli ingerlatat annertuut pillugit inatsit decemberimi 2012-mi akuersissutigineqarmalli annertunerusumik susoqarnikuunngilaq. Tamatumunnga akisussaavoq Siumut. Siumut ingerlatanut annertuunut inatsimmut taaseqataajumanngilaq siorasaarutigalugulu Inatsisartunut qinersinermi ajungaassagunik inatsit allanngortikkumaarlugu.

Soorunami tamatuma kinguneranik aningaasaliisartut aningaasaliinissaminnut qulalerput, inatsit taama qitiulluinnartigisoq qulartitsilermat. Siumut qinersinermi ajungaavoq taamaattumik ukiup ataatsip missarpiaani sunnguamilluunniit susoqanngilaq.

Tamannali massakkorluinnaq allanngortittariaqarpoq. Ingerlatat annertuut pillugit inatsisip allannguutissaanik Naalakkersuisut saqummiussinikuupput, uangalu allatut ajornartumik



aperisariqarpunga: Tassa allamik naamik? Pisariaqarsimavara nunap matuma ineiartornerata unitsinnissaa allannguutit taama annikitsigisut piinnarlugit?

Demokraatini sunnguamilluunniit ajoriffissaqartissimassanngikkaluarpaat ingerlatat annertuut pillugit inatsisissaq suliarineqarmat massakut saqqummiunneqartut assiginik Siumut kinguneqartussamik allannguutissanik saqqummiussisimasuuppat.

Tamanna tunngavigalugu allannguutissat akueraagut siunnersuullu tamaat Inuitissarsiornermut ataatsimiititaliami sukumiisumik suliarisassanngorlugu ingerlateqqillugu.

Naggataatigut kaammattuutigissuara, siunnersuut manna partiinit tamanit akuerineqassasoq, nunani allamiunut aningaasaliisartunut takullaqqullugu, pineqartoq paartiit tamarmik inooqataaffigisinnaasaat isumaqatigiissut. Taamaasippat neriuppugut aningaasaleerusussuseq qaffaqqikkumaartoq.